

Ngā hua mō ngā tamariki me ngā rangatahi Māori me ō rātou whānau

i roto i te pūnaha oranga tamariki 2024/25


HE WHAKARĀPOPOTOTANGA WHAI WHAKAATURANGA

Ko te pūnaha oranga tamariki te ingoa mō ngā mahi a Oranga Tamariki me ētahi atu tari kia noho haumaruru, kia ora ai ngā tamariki me ngā rangatahi. Kei roto hoki i tēnei ko ngā mahi a ngā pirihiimana me Oranga Tamariki ina takahia pea e ngā tamariki me ngā rangatahi te ture.

Ka uru ngā tamariki me ngā rangatahi ki te pūnaha oranga tamariki ina whakamōhiotia a Oranga Tamariki e te tangata ina māharahara ana ia mō tō rātou haumaruru, oranga rānei, ina uru rānei ki te rarururu me ngā pirihiimana.

Ka titiro tā mātou pūrongo he pēhea te pai o te whakatutuki a te pūnaha oranga tamariki i ngā hiahia o ngā tamariki me ngā rangatahi Māori me ō rātou whānau. Kia mōhio ai he aha ngā mea whaitake me ngā mea koretake ki a rātou, 130 ngā tamariki me rangatahi me ngā tāngata tata ki te 1,100 atu anō i tuku kōrero mai pērā i ngā whānau me ngā kaitiaki, ngā tauwhiro hapori, ngā kaiako, ngā pirihiimana, ngā rata, ngā nēhi me ngā kaimahi taiohi.

Hei āwhina i a mātou kia mārama ai e pēhea ana te haere a ngā mahi, i whakaemi mōhiohio anō mātou mō ngā Māori 27–30 tau te pakeke i uru ki te pūnaha oranga tamariki i tō rātou tamarikitanga – i raro i te maru karauna me te whakamaru, te ture taiohi rānei. I whakaemihia e mātou ēnei mōhiohio ka tuhia he pūrongo mā te Kāwanatanga. I whakairihia tēnei ki tā mātou paetukutuku kia pānuitia e ngā tāngata katoa.



Ā mātou kitenga:

● Tamariki and rangatahi Māori

● Non-Māori tamariki and rangatahi

Ko te nuinga o ngā tamariki me ngā rangatahi Māori kāore i roto i te pūnaha oranga tamariki.

Engari, he nui kē atu ngā tamariki me ngā rangatahi Māori i ngā tauwiwi i roto i te pūnaha oranga tamariki. Kua roa e pēnei ana.



neke atu i te hauwhā o te taupori taiohi i Aotearoa he Māori



neke atu i te haurua o ngā tamariki me ngā rangatahi i roto i te pūnaha he Māori

I kite mātou kāore i wawe tā ngā tamariki me Māori whiwhi i ngā āwhina i ngā wā katoa. I ētahi wā ka whakamōhio atu te tangata ki a Oranga Tamariki i ō rātou māharahara mō ngā tamariki Māori i mua i te tiroiro mēnā kei te pai rātou. Tata ki te hauwhā o ngā tamariki i pā mai te māharahara ki te tangata i whakamōhiohia a Oranga Tamariki mō rātou i ngā wā 10, neke atu rānei. Ki te tae atu he āwhina, ehara ko ngā āwhina tika i ngā wā katoa.




I ētahi wā, i te wā kei roto ngā tamariki Māori i te pūnaha oranga tamariki, kāore e ōrite tā rātou whiwhi tautoko pērā i ngā tauwiwi. Kāore e tino haere atu ngā tauwhiro hapori ki te kite i rātou, kāore i te taetae atu ki te kura, ā, kāore i te whiwhi i ngā tautoko tika kia pakari ai mō tō rātou pakeketanga. Arā, pērā i te whiwhi raihana hautū waka, he whare noho tōtika me te whai pūkenga mahi.




I kite mātou he kino kē atu ngā hua mō rātou i ngā Māori kāore i roto i te pūnaha oranga tamariki – kino kē atu hoki i a tauwiwi i roto i te pūnaha. Ko ngā hua pērā i te pai o te oranga tinana me te hinengaro, te whai tohu mātauranga, te whai mahi me te whai kāinga noho.



Ka uru ētahi tamariki me ngā rangatahi Māori kāore i tōmua te whiwhi i ngā āwhina tika mō rātou ki te raruraru me ngā pirihihana i tō rātou pakeketanga. Tata ki te katoa o ngā rangatahi Māori i uru ki te raruraru me ngā pirihihana, kotahi, neke atu rānei, ngā tāngata i kōrero ki a Oranga Tamariki mō ō rātou māharahara mō tō rātou haumaruru, oranga rānei i a rātou e tamariki ana. Mō te haurua o rātou 10, neke atu rānei, ngā wā i whakamōhiotia atu a Oranga Tamariki mō rātou.



I rongō mātou mō te whiwhi a ētahi o ngā tamariki me ngā rangatahi Māori i ngā āwhina whaikiko mā rātou me ō rātou whānau. I whiwhi ētahi o rātou i aua āwhina mai i ngā iwi me ngā whakahaere Māori i kōrerohia e mātou i tā mātou pūrongo. E wātea anake ēnei ratonga i te nuinga o te wā i ētahi wāhi, ka mutu he kaupapa whakamātautau. Ka whakamātauria ngā kaupapa whakamātautau kia kite ai mēnā he whaitake i mua i te whakatūturutanga. He roa te wā e whakamātautauria ana ētahi o ēnei. Mēnā kei te hiahia te kāwanatanga ki te pai ake te anamata o ngā tamariki me ngā rangatahi Māori kei roto i te pūnaha, me ū rātou ki te pupuri i ngā ratonga whaitake, ā, kia wātea hoki ki ngā wāhi katoa.



Me mātua whakarite hoki te kāwanatanga ki te hiahia āwhina ngā tamariki me ngā rangatahi Māori mai i a Oranga Tamariki, me tōmua ake te whiwhi.



“

*“Ki te whai tamariki ahau,
kāore ahau e hiahia kia pā
ki a rātou ngā āhuatanga i
pā mai ki ahau. Ko tētahi o
ōku hiahia mōku kia kaua e
uru ki te raruraru. Kia kaua
e uru ki te whare herehere.
Engari kia whai mahi. Te
haere ki tāwāhi ...”*

RANGATAHI



**Aroturuki
Tamariki** | Independent
Children's Monitor

aroturuki.govt.nz